

LIGJ

Nr.9108, date 17.7.2003

PER SUBSTANCAT DHE PREPARATET KIMIKE

Ne mbështetje te neneve 78 dhe 83 pika 1 te Kushtetutës, me propozimin e Këshillit te Ministrave,

KUVENDI
I REPUBLIKES SE SHQIPERISE

VENDOSI:

KREU I
DISPOZITA TE PERGJITHSHME

Neni 1 Qëllimi

Ky ligj ka për qëllim te rregulloje administrimin e substancave dhe te preparateve kimike për mbrojtjen e jetës, shëndetit te njerëzve e te kafshëve, si dhe për mbrojtjen e mjedisit nga rreziqet qe mund te shkaktojnë lendet e rrezikshme.

Neni 2 Objekti

Objekt i këtij ligji është:

- a) vendosja e te drejtave dhe detyrimeve te personave juridike ose fizike ne përcaktimin e vetive dhe klasifikimin e substancave dhe te preparateve kimike për regjistrimin, inventarizimin, njoftimin, menaxhimin dhe tregtimin e tyre;
- b) përcaktimi i juridiksionit te zyrave te administratës për marrjen e masave për mbrojtjen e jetës dhe te shëndetit te njerëzve e te kafshëve, si dhe për mbrojtjen mjedisit, kundër efekteve te dëmshme te substancave dhe preparateve kimike për jetën dhe shëndetin, si dhe te vendose juridiksionin e organeve eksperte te inspektimit, ne përputhje me parashikimet e këtij ligji.

Neni 3

Ky ligj nuk zbatohet:

- a) për produktet mjekësore, ushqimet, ushqimet për blegtorinë, preparatet kozmetike, lendet e para minerare, municionet, eksplozivat, radiatorët radionukleare dhe materialet nukleare, produktet për mbrojtjen e bimëve, substancat narkotike dhe psikotrope, armët kimike dhe prekursorët e tyre dhe substancat qe dëmtojnë shtresën e ozonit te tokës, te cilat janë objekt i ligjeve te veçanta;
- b) për detyrimet ne transportin e substancave dhe te preparateve kimike te rrezikshme me hekurudhe, rruge tokësore, rruge ujore dhe ajrore, trajtimin e substancave dhe te preparateve nen kontrollin doganor, me kusht qe një pjese e këtij transporti te mos këtë te

beje me trajtimin ose përpunimin e mbetjeve dhe menaxhimin e ujerave te ndotura dhe ujerave speciale.

Neni 4 Përkufizime

Ne kuptim te këtij ligji, termat e mëposhtëm kane këto kuptime:

1. "Substanca kimike", qe me poshtë do te quhen substanca, janë elementet kimike dhe komponimet e tyre ne gjendje natyrore ose te fituara nga një proces prodhimi, përfshirë shtesat dhe solventet kryesore për te siguruar qëndrueshmërinë e tyre, si dhe ndonjë papastërti me origjine natyrore ose te marre ne procesin e prodhimit, me përjashtim te solventeve qe mund te veçohen nga substanca pa ndryshuar përbërjen e saj ose pa ndikuar ne stabilitetin e saj.
2. "Preparate kimike", qe me poshtë do te quhen preparate, janë përzierjet ose solucionet e përbëra nga dy ose me shume substanca kimike.
3. "Polimer" është substanca, molekulat e se cilës janë formuar nga një varg, prej një ose me shume njësi monomeresh, qe përmbajnë me shume se gjysmën e peshës se tyre, nga një fraksion i përbëre nga molekula me te paktën tre njësi monomeri, te lidhura me lidhje kovalente me te paktën një njësi monomeri ose një reaktiv tjetër, qe përmban me pak se gjysmën e peshës se tij, ose një fraksion me molekula me te njëjtën peshe molekulare.
4. "Njësi monomeri" është forma reaktive e monomerit ne molekulën e polimerit.
5. "Klasifikim" është vlerësimi, sipas te cilit substanca ose preparati ka një ose me-shume veti te rrezikshme dhe përcaktimi me tej i kategorive te rrezikut individual.
6. "Shpërndarës" është personi juridik ose fizik, i autorizuar për kryerjen e veprimtarisë tregtare, i cili ruan dhe ua shpërndan substancat ose preparatet personave te tjerë dhe nuk ndikon drejtpërdrejt ne vetitë e substancave dhe preparateve, nëpërmjet veprimtarisë te tij.
7. "Vlerësim" është cilësimi i një vetie te rrezikshme, sipas mënyrës se parashikuar ne nenin 5 te këtij ligji.
8. "Importues" është personi juridik ose fizik, vendas ose i huaj, i cili fut ne territorin e Republikës se Shqipërisë një substance ose preparat kimik.
9. "Eksportues" është personi juridik ose fizik, vendas ose i huaj, i cili nxjerr nga territori i Republikës se Shqipërisë një substance ose preparat kimik.
10. "Tregtim" quhet kalimi i substancave dhe preparateve kimike te një person tjetër fizik ose juridik. Ne kuptim te këtij ligji, ne tregtim përfshihet edhe importi.
11. "Transit" quhet çdo substance dhe preparat kimik, qe pas hyrjes ne territorin shqiptar dhe deri ne daljen e tij nga ky territor, nuk i nënshtrohet asnjë lloj procesi ose trajtimi.
12. "Administrimi i substancave dhe preparateve" është një veprimtari, objekt i se cilës janë substancat dhe preparatet, ne veçanti, prodhimi, importi, eksporti, tranzitimi, përdorimi, ruajtja, ambalazhimi, etiketimi, transportimi brenda territorit te subjektit, si dhe asgjësimi i tyre.
13. "Regjistrimi i substancave" është regjistrimi i substancave ne Regjistrin Kombëtar, qe mbahet nga Ministria e Mjedisit, ne baze te te dhënave me shkrim për substancat, ne përputhje me këtë ligj.
14. "Rregullore e sigurimit teknik" është një përmbledhje e te dhënave te identifikimit për prodhuesin ose importuesin për substancat ose preparatet e rrezikshme dhe te dhënat qe kërkohen për mbrojtjen e jetës dhe te shëndetit te njerëzve, te kafshëve dhe te mjedisit.

15. "Sistemi i laboratorëve te akredituar" është një sistem bashkëpunimi ndërkombëtar për sigurimin dhe kontrollin e cilësisë së praktikës laboratorike, e cila verifikohet dhe miratimi i së cilës konfirmohet me certifikate.

16. "Substanca dhe preparate të rrezikshme" janë substancat dhe preparatet, që kanë një ose me shumë veti të rrezikshme, të klasifikuara sipas kushteve të vendosura në këtë ligj.

KREU II

Neni 5

Klasifikimi i substancave dhe i preparateve kimike

Substancat dhe preparatet kimike për shkak të vetive, klasifikohen:

1. Eksplozive, që, mund të veprojnë në mënyrë ekzotermike, pa praninë e oksigjenit, me zhvillim të shpejtë gazesh ose që vetëndizen dhe digjen shpejt në kushte të caktuara ose që shpërthejnë me ngrohje kur vendosen në kontejnerë johermetike.
2. Oksiduese, që në kontakt me substanca të tjera, në veçanti me substanca të ndezshme, shkaktojnë reaksion ekzotermik të fuqishëm.
3. Ekstremisht të ndezshme, që në gjendje të lëngët kanë pike flakërimi me të ulet se 0°C dhe pike vlimi me të ulet se 35°C ose që janë të ndezshme në gjendje të gazte, në kontakt me ajrin në temperatura normale të dhomës dhe presion atmosferik normal.
4. Shume të ndezshme, që:
 - a) mund të nxehen në mënyrë spontane dhe pastaj të digjen në kontakt me ajrin në temperatura normale të dhomës, presion normal atmosferik dhe pa prani të energjisë;
 - b) mund të digjen lehtësisht në gjendje të ngurte, si pasojë e një kontakti të shkurtër me një burim zjarri, ndezjeje dhe vazhdojnë të digjen ose të tymosin edhe pas largimit të burimit të zjarrit;
 - c) kanë një pike ndezjeje në gjendje të lëngët me të ulet se 21°C dhe nuk janë ekstremisht të ndezshme;
 - ç) në kontakt me ujë ose ajrin e lagët lirojnë gaze shumë të rrezikshme, në sasi të paktën 1 liter/kg.h
5. Të ndezshme, që e kanë pikën e flakëritimit 21°C deri në 55°C .
6. Shume helmuese, që pas thithjes, gëlltitjes ose depërtimit në lëkurë, edhe në sasi të vogla, mund të shkaktojnë dëmtime akute ose kronike të shëndetit, ose vdekje.
7. Helmuese, që pas thithjes, gëlltitjes ose depërtimit në lëkurë, edhe në sasi të vogla mund të shkaktojnë dëmtime akute ose kronike të shëndetit, ose vdekje.
8. Të dëmshme për shëndetin, që pas thithjes, gëlltitjes ose depërtimit në lëkurë, edhe në sasi të vogla, mund të shkaktojnë dëmtime akute ose kronike të shëndetit, ose vdekje.
9. Korrozive, që në kontakt me indet e gjalla jetësore mund të shkatërrojnë ata.
10. Irrituese, që nuk kanë vetitë e substancave korrozive, por që nga kontakti i drejtpërdrejtë për një kohë të gjatë me lëkurën ose membranat mukoze mund të shkaktojnë inflamacione.
11. Sensibilizuese, që pas thithjes, gëlltitjes ose depërtimit në lëkurë mund të shkaktojnë hipersensibilitet dhe, për pasojë, pas një ekspozimi tjetër, shfaqen simptomat karakteristike të tij.

12. Kancerogjene, qe pas thithjes, gëlltitjes ose depërtimit ne lëkurë mund te shkaktojnë ose te rrisin frekuencën e shfaqjes se kancerit.
13. Mutagjene, qe pas thithjes, gëlltitjes ose depërtimit ne lëkurë mund te shkaktojnë ose te rrisin frekuencën e shfaqjes se dëmtimeve gjenetike.
14. Dëmtuese për riprodhimin, qe pas thithjes, gëlltitjes ose depërtimit ne lëkurë mund te shkaktojnë ose te rrisin frekuencën e dëmtimeve ne funksionin e riprodhimit ose ne aftësinë riprodhuese te meshkujve ose te femrave.
15. Te rrezikshme për mjedisin, qe pas futjes ne mjedis, përbejnë ose mund te përbejnë një rrezik te menjëhershëm ose te mëvonshëm për mjedisin.

Neni 6

1. Ne klasifikimin e preparateve nuk duhet te merren parasysh përbërësit, përzierjet, shtesat ose papastërtitë e pranishme ne përqendrime:
 - a) me pak se 0,02 për qind ne vëllim, nëse kemi te bëjmë me substance ne preparate te gazta, klasifikuar sipas pikës 6 te nenit 5 te këtij ligji;
 - b) me pak se 0,1 për qind ne peshe, nëse kemi te bëjmë me substance te klasifikuar sipas pikave 7, 11, 12, 13 dhe 14 te nenit 5 te këtij ligji, dhe ne preparate te tjera, përveç atyre te gazta, sipas pikës 2 te këtij neni;
 - c) me pak se 1 për qind ne peshe, nëse substanca është klasifikuar sipas pikave 8, 9, 10 te nenit 5 te këtij ligji.
2. Prodhuesi dhe importuesi janë te detyruar te bëjnë klasifikimin e ri për preparatet me përbërës te njohur:
 - a) nëse për shkak te vlerës absolute te ndryshimit te përqendrimit origjinal te një ose me shume përbërësve te rrezikshëm te preparatit, është e vlefshme formula e mosbarazimit ne aneksin nr.1 te këtij ligji;
 - b) ne lidhje me ndryshimet ne përbërjen e preparatit, si pasoje e shtimit te substancave ose te zëvendësimit te disa përbërësve te preparatit me një tjetër substance, pa marre parasysh rrezikshmërinë e substancës.
3. Prodhuesit dhe importuesit e një substance janë te detyruar te pajisin me te gjitha te dhënat qe kërkohen për klasifikimin e preparatit te ri një tjetër person juridik ose fizik, te autorizuar për kryerjen e një veprimtarie tregtare, i cili përdor këtë substance si përbërës te preparatit te ri.

Neni 7

Testimi i substancave dhe i preparateve kimike

1. Para se te hidhet ne treg një substance e paklasifikuar, prodhuesi ose importuesi është i detyruar te verifikojë nëse substanca ose preparati ka një ose me shume veti te dëmshme dhe, ne baze te këtij vlerësimi, te klasifikohet substanca ose preparati ne grupe te veçanta rreziku, sipas nenit 5 te këtij ligji.
2. Vetitë e substancave dhe te preparateve testohen vetëm me metoda qe plotësojnë parimet e mbrojtjes se kafshëve eksperimentale. Metodat për përcaktimin e vetive te rrezikshme caktohen me urdhër te:
 - a) Ministrin te Mbrojtjes, për substancat qe zotërojnë vetitë e përshkruara ne pikat 1 dhe 2 te nenit 5 te këtij ligji;

b) Ministrit të Shëndetësisë, për substancat që zotërojnë vetitë e dhëna në pikat 6 deri në 14 të nenit 5 të këtij ligji;

c) Ministrit të Industrisë dhe Energjetikës për substancat që zotërojnë vetitë e dhëna në pikat 3 deri në 5 të nenit 5 të këtij ligji;

ç) Ministrit të Mjedisit për substancat që zotërojnë vetitë e dhëna në pikën 15 të nenit 5 të këtij ligji.

3. Të dhënat për vetitë e substancave dhe të preparateve të rrezikshme paraqiten nga prodhuesi ose importuesi pas testeve të kryera në laboratorin e akredituar.

4. Procedura për vlerësimin e substancave dhe të preparateve të rrezikshme, mënyra e klasifikimit, ambalazhimit dhe etiketimit dhe lista e substancave të rrezikshme, që do të klasifikohen, përcaktohen me vendim të Këshillit të Ministrave.

Neni 8

Sistemi i laboratorëve të akredituar

1. Vetitë e rrezikshme të substancave dhe preparateve, sipas këtij ligji, testohen vetëm nga persona juridike ose fizike, të autorizuar, të cilët janë të pajisur me certifikate si laborator i akredituar për këtë qëllim.

2. Personat juridike ose fizike, të autorizuar për kryerjen e veprimtarisë tregtare, në mbështetje të pikës 1 të këtij neni, janë të detyruar t'i japin ministrisë përgjegjëse të gjitha të dhënat e nevojshme për plotësimin e kushteve, të lëshuara nga laboratorin i akredituar për testimin e substancave të rrezikshme.

3. Drejtoria e Përgjithshme e Standardizimit, kundrejt pagesës, pajis personat juridike ose fizike të autorizuar për kryerjen e veprimtarisë tregtare, me certifikatën e laboratorit të akredituar, në bazë të një aplikimi dhe me pas verifikon përputhjen me kërkesat e paraqitura në pikat 4 dhe 5 të këtij neni.

4. Aplikimi përmban:

a) emrin, mbiemrin, emrin e veprimtarisë tregtare, adresën, adresën e veprimtarisë tregtare dhe numrin e identifikimit të aplikantit;

b) emrin, mbiemrin dhe numrin e certifikatës së lindjes së përfaqësuesit ligjor të qendrës së testimit;

c) një vërtetim nga gjykata për përfaqësuesin ligjor të qendrës së testimit, të marre gjatë tre muajve të fundit;

ç) një deklaratë që aplikanti lejon ministrinë përgjegjëse të verifikojë certifikatën e laboratorit të akredituar.

5. Personat juridike ose fizike, të autorizuar për kryerjen e veprimtarisë tregtare, sipas pikës 1 të këtij neni, duhet t'i paraqesin ministrit përkatës një program, që siguron një sistem cilësie, sipas parimeve të laboratorit të akredituar.

6. Pas verifikimit të përputhjes me praktiken e laboratorit të akredituar, ministri përkatës, sipas përcaktimit të pikës 2 të nenit 7 të këtij ligji, brenda 30 ditëve jep certifikatën e pajtimit me laboratorin e akredituar.

7. Personat juridike ose fizike, të autorizuar për kryerjen e veprimtarisë tregtare, sipas pikës 1 të këtij neni, të pajisur me certifikatën e laboratorit të akredituar, janë të detyruar të lejojnë personat e autorizuar të hyjnë në mjediset dhe ndërtesat që shërbejnë për testim dhe të japin të dhënat e kërkuara, në kuadër të kontrollit të përputhjes me parimet e praktikës së laboratorit të akredituar.

8. Personat juridike ose fizike, te autorizuar për kryerjen e veprimtarisë tregtare, te cilët janë te pajisur me certifikatën e pajtimit me parimet e praktikës së laboratorit te akredituar, janë te detyruar te paraqesin rezultatet e testimit, qe vërtetojnë se testet janë kryer ne përputhje me parimet e laboratorit te akredituar.

9. Ministri përkatës i heq certifikatën e pajtimit si laborator i akredituar personit juridik ose fizik, te autorizuar për te ushtruar këtë veprimtari, ne rast se ky person nuk përmbush qofte edhe njërin nga kushtet, sipas te cilave është dhënë certifikata.

10. Ministri përkatës vendos me rregullore parimet e pajtimit me praktiken e laboratorit te akredituar, procedurën për verifikimin e përputhjes, procedurën për dhënien ose heqjen e certifikatës dhe procedurën e kontrollit te përputhjes me parimet e laboratorit te akredituar.

11. Certifikata e pajtimit te laboratorit te akredituar, e dhënë jashtë territorit te Republikës se Shqipërisë, ka te njëjtën vlere me certifikatën e dhënë brenda këtij territori, ne rast se plotëson te gjitha kushtet e vena nga ky ligj dhe nga aktet e tjera normative.

12. Ministrinë e ngarkuara nga ky ligj mbajnë një liste te personave te pajisur me certifikate te pajtimit me parimet e laboratorit te akredituar dhe e publikojnë këtë liste nga data 30 qershor deri me 31 dhjetor te çdo viti ne Buletinin e Ministrisë se Mjedisit.

KREU III REGJISTRIMI I SUBSTANCAVE

Neni 9 Detyrimi për regjistrim

1. Prodhuesi dhe importuesi janë te detyruar te regjistrojnë substancat qe hedhin ne treg edhe ne rastet kur kjo substance përmbahet ne një substance tjetër si shtese, përzierje ose papastërti, ose përmbahet ne preparat, si një nga përbërësit e tij.

2. Për nevoja te kërkimit shkencor dhe zhvillimit nuk është i detyrueshëm, sipas këtij ligji, regjistrimi i substancave qe:

a) Janë futur ne treg nga i njëjti prodhues dhe importues ne sasi qe nuk i kalon 10 kg ne një vit kalendarik, te regjistruar sipas kërkesave për leje veprimtarie, me kusht qe kërkesat e regjistrimit te jene te njëjta me kërkesat e këtij ligji; I

b) Janë përbërës te preparateve, përzierjeve, shtesave ose papastërtive, përqendrimi i te cilave nuk i kalon vlerat e dhëna ne piken 5 te nenit 7 te këtij ligji;

c) janë te hedhura ne treg nga i njëjti prodhues dhe importues, ne sasi qe nuk i kalon 100 kg ne një vit kalendarik, vetëm për nevoja te kërkimit shkencor dhe zhvillimit, ose vetëm për përdorim laboratorik;

ç) Janë te hedhura ne treg nga i njëjti prodhues dhe importues, ne sasi qe nuk i kalon 1000 kg ne një vit kalendarik, vetëm për nevoja te kërkimit te aplikuar dhe zhvillimit, brenda një periudhe njëvjeçare;

d) Janë produkte te ndërmjetme te prodhimit, te fituara nga reaksionet kimike ne sisteme teknike te mbyllura, qe nuk janë veçuar dhe larguar nga procesi teknologjik;

dh) Janë regjistruar me kushte te njëjta me këtë ligj, kur prodhuesi dhe importuesi i këtyre substancave njofton me shkrim ministrinë përkatëse për kërkesat e shkronjave "a" dhe "ç" te pikës 1 te nenit 10 te këtij ligji.

3. Nëse nga një prodhues dhe importues, sasia e substancës, subjekt i regjistrimit, është me pak se 1000 kg ne një vit kalendarik, prodhuesi dhe importuesi, ne varësi nga sasia

dhe shkalla e rrezikshmërisë së substancës së hedhur në treg, paraqesin dokumentet e regjistrimit në një afat të vendosur në rregulloren e ministrisë së ngarkuar nga ky ligj.

Neni 10 Aplikimi për regjistrim

1. Para hedhjes në treg të substancës që regjistrohet, prodhuesi dhe importuesi paraqesin në ministritë e ngarkuara nga ky ligj një aplikim me shkrim, në gjuhën shqipe.
2. Aplikimi për regjistrim përmban :
 - a) emrin, mbiemrin, gjendjen civile, vendbanimin dhe numrin e identifikimit të personit fizik, të autorizuar për kryerjen e veprimtarisë tregtare;
 - b) emrin dhe adresën e tregtarit, të prodhuesit të huaj të substancës së importuar, të detyruar për regjistrim;
 - c) të dhënat baze për substancën dhe sasinë që regjistrohet;
 - ç) të dhënat për sigurimin teknik të substancës së rrezikshme, që regjistrohet.
3. Hollësitë e tjera, që përfshijn aplikimi për regjistrim dhe mënyra e plotësimit të tij vendosen në udhëzimin e ministrit.
4. Prodhuesi dhe importuesi janë të detyruar të njoftojnë brenda 10 ditëve ministrin përkatës për ndonjë ndryshim në të dhënat e aplikimit për regjistrim.
5. Në rast se plotësohen kushtet e vendosura në këtë nen, ministria përkatëse e regjistron substancën brenda 60 ditëve nga paraqitja e aplikimit dhe për këtë njofton aplikantin. Ministria, brenda 30 ditëve, e refuzon zbatimin për regjistrim nëse nuk plotësohen kushtet për regjistrim.
6. Prodhuesit dhe importuesit të substancës, që duhet të regjistrohet, paraqesin protokollet e testeve të kërkuara sipas këtij ligji, të përgatitura nga persona të tjerë, kur ata, njëkohësisht, marrin miratimin me shkrim të personit në fjale për t'i përdorur këto të dhëna.
7. Ministria e Mjedisit mban Regjistrin Kombëtar për substancat dhe preparatet kimike. Të dhënat për këtë regjistër sigurohen nga ministritë e ngarkuara nga ky ligj, përveç të dhënave që përbejnë sekret tregtar.
8. Organizimi dhe struktura e zyrës së regjistrimit të kimikateve miratohen me vendim të Këshillit të Ministrave. Rregullorja e funksionimit të kësaj zyre miratohet nga Ministri i Mjedisit.
9. Ministritë publikojnë listën e substancave të regjistruara, të paktën një herë në vit, në Buletinin e tyre ose të Ministrisë së Mjedisit.

Neni 11 Ruajtja e sekretit tregtar

- I. Të dhënat, publikimi i të cilave dëmton prodhuesin dhe importuesin, me kërkesën e prodhuesit ose të importuesit, konsiderohen gjatë procesit të regjistrimit si sekret tregtar dhe merren vetëm me kërkesë të personave të autorizuar.
2. Detyrimi për ruajtjen e sekretit të të dhënave të konsideruara nga prodhuesi dhe importues si sekret tregtar, është i vlefshëm për të gjithë punonjësit që kryejnë testimin e vetive të substancave.
3. Nuk përbën sekret tregtar:
 - a) emërtimi tregtar i substancës;
 - b) emri dhe mbiemri, emërtimi i veprimtarisë tregtare, rezidenca, adresa e tregtarit dhe

- numri i identifikimit të prodhuesit dhe importuesit të substancës;
- c) vetitë fiziko-kimike të substancës;
- ç) udhëzimet për kufizimin e efekteve të rrezikshme të substancës;
- d) rezultatet përfundimtare të testeve toksikologjike dhe ekotoksikologjike të substancës;
- dh) shkalla e pastërtisë dhe identifikimi i papastërtive ose i përzierjeve me veti të rrezikshme, sipas nenit 7 të këtij ligji, të realizuara në përputhje me kërkesat e klasifikimit dhe të emërimit të substancës;
- e) udhëzimet në rastet e rrjedhjes së substancës;
- ë) të dhënat e sigurimit teknik;
- f) metodat analitike për substancat e rrezikshme, që lejojnë përcaktimin e tyre në rast ekspozimi në mjedis dhe të njerëzit.

Neni 12

Te dhëna plotësuese

1. Ministri përkatës, sipas përcaktimit të pikës 2 të nenit 7 të këtij ligji, u kërkon prodhuesve dhe importuesve të dhëna plotësuese për vetitë e substancës së rrezikshme edhe nëse sasia e substancës ose preparatit kimik, e hedhur në treg nga një prodhues dhe importues, është baras ose me shumë se 10 tone për një vit kalendarik.
2. Këto të dhëna jepen në rastet kur substanca përmbahet në një tjetër substancë, si përzierje shtese a papastërti ose përmbahet në preparat, si përbërës i tij.

KREUIV

ADMINISTRIMI I SUBSTANCAVE DHE I PREPARATEVE TË RREZIKSHME

Neni 13

Vlerësimi i rrezikut të substancave të rrezikshme për shëndetin e njeriut dhe mjedisin

1. Lista e substancave të rrezikshme, që prej natyrës së tyre përbejnë një rrezik serioz për jetën dhe shëndetin e njeriut dhe për mjedisin, përcaktohet me vendim të Këshillit të Ministrave.
2. Ministria e Mjedisit, së bashku me ministritë e tjera të ngarkuara nga ky ligj, marrin masa për vlerësimin e rrezikut për jetën dhe shëndetin e njeriut dhe për mjedisin për substancat e përfshira në liste, sipas pikës 1 të këtij neni.
3. Procedura për vlerësimin e rrezikut të substancave të rrezikshme për jetën dhe shëndetin e njeriut përcaktohet me urdhër të Ministrit të Shëndetësisë.
4. Procedura për vlerësimin e rrezikut të substancave të rrezikshme për mjedisin, përcaktohet me urdhër të Ministrit të Mjedisit.
5. Në baze të rezultateve të vlerësimit të rrezikut të substancave të rrezikshme, në nivel kombëtar dhe ndërkombëtar, Këshilli i Ministrave, me propozimin e ministrit përkatës, vendos kushtet për hedhjen e këtyre substancave në treg.

Neni 14

Kushtet e përgjithshme për menaxhimin e substancave dhe të preparateve të rrezikshme

1. Ne menaxhimin e substancave dhe te preparateve te rrezikshme çdo person është i detyruar te ruaje shëndetin e njeriut dhe mjedisin, te vendose shenjat paralajmëruese te rrezikut, me shprehjet qe përshkruajnë rrezikun specifik dhe me udhëzimet e sigurimit teknik për menaxhimin e tyre.
2. Personat juridike ose fizike, te autorizuar për kryerjen e veprimtarisë tregtare, mund t'i menaxhojnë substancat dhe preparatet e rrezikshme, qe kane një ose me shume veti te rrezikshme, sipas pikave 1, 2, 3, 6, 12, 13 , 14 dhe 15 te nenit 5 te këtij ligji dhe t' i trajtojnë këto substanca ne sasi me te madhe se 10 tone për një vit kalendarik, vetëm me leje te ministrisë përkatëse.
3. Menaxhimi i substancave te rrezikshme behet pasi është marre leja nga agjencia rajonale e mjedisit.
4. Personal fizike mbi moshën 18 vjeç dhe me zotësi juridike për te vepruar, mund te menaxhojnë substancat dhe preparatet e klasifikuara sipas pikave 6, 7, 9, 12, 13 dhe 14 te nenit 5 te këtij ligji.
5. Personat fizike nga 15 deri ne 18 vjeç mund te menaxhojnë substancat dhe preparatet e klasifikuara sipas pikave 6,7,9, 12, 13 dhe 14 te nenit 5 te këtij ligji, vetëm ne kuadër te përgatitjes profesionale dhe nen mbikëqyrjen e një personi me kualifikim profesional, sipas pikës 2 te nenit 19 te këtij ligji.
6. Personat juridike ose fizike, te autorizuar për kryerjen e veprimtarisë tregtare, janë te detyruar te lejojnë personat e autorizuar nga zyrat e kontrollit dhe te inspektimit, te hyjnë ne mjediset dhe ndërtesat, qe përdoren për menaxhimin e substancave dhe te preparateve dhe te marrin te gjitha te dhënat e nevojshme për punën e tyre.

KREU V

HEDHJA NE TREG E SUBSTANCAVE DHE E PREPARATEVE TE RREZIKSHME.

Neni 15

1. Prodhuesi, importuesi dhe shpërndarësi nuk lejohen te hedhin ne treg substancat dhe preparatet e rrezikshme, te përfshira ne aneksin nr. 2 te këtij ligji.
2. Me propozimin e Ministrit te Mjedisit, Këshilli i Ministrave miraton listën e substancave dhe te preparateve kimike, prodhimi, hedhja ne treg dhe përdorimi i te cilave kufizohen ose ndalohen.

Neni 16

1. Personi juridik ose fizik nuk mund t'u shesë konsumatoreve ose t'i japë një personi tjetër, qe nuk ka lidhje me veprimtarinë tregtare, substanca dhe preparate te rrezikshme, te klasifikuara sipas pikave 6, 12, 13 dhe 14 te nenit 5 te këtij ligji.
2. Personat juridike ose fizike, te autorizuar për kryerjen e veprimtarisë tregtare, nuk lejohen t'u shesin konsumatoreve ose t'i japin një personi tjetër substanca dhe preparate te rrezikshme, te klasifikuara sipas pikave 6, 7, 8 dhe 9 te nenit 5 te këtij ligji:
 - a) personave nen moshën 18 vjeç
 - b) personave qe u është hequr ose kufizuar zotësia juridike për te vepruar.
3. Personat juridike ose fizike, te autorizuar për kryerjen e veprimtarisë tregtare nuk lejohen te shesin substanca dhe preparate te rrezikshme, te klasifikuara sipas pikave 6, 7,

8 dhe 9 te nenit 5 te këtij ligji, ne vendqëndrime, ne lëvizje, ne makina automatike për shitje dhe ne kontejnerë, te caktuar nga blerësi.

4. Personat juridike ose fizike, te autorizuar për kryerjen e veprimtarisë tregtare, janë te detyruar qe për shitjen e substancave dhe te preparateve te rrezikshme, te klasifikuara sipas pikave 6, 7, 8 dhe 9 te nenit 5 te këtij ligji, te sigurojnë vendosjen me vete te këtyre substancave dhe preparateve nga mallrat e tjera. Këto substanca dhe preparate duhet te mbahen vetëm ne ambalazhe origjinale, te mbyllura dhe te pathyeshme. Ne rastet e shitjes me vetëshërbim, këto mallra nuk lejohen te ekspozohen ne vende ku mund te merren lirisht, ato duhet te jepen vetëm nga shitësi.

Neni 17

Personat juridike ose fizike, te autorizuar për kryerjen e veprimtarisë tregtare janë te detyruar, për sa u përket substancave dhe preparateve te rrezikshme, te klasifikuara sipas pikave 6, 7,9, 12, 13 dhe 14 te nenit 5 te këtij ligji:

a) t'i ruajnë këto substanca dhe preparate nga vjedhjet, humbjet ose nga këmbimi me te tjera substanca dhe preparate te rrezikshme;

b) te sigurojnë pajisjen e mjediseve te ruajtjes me mjete te përshtatshme për ndihmën e pare mjekësore dhe ruajtën e personave te shërbimit dhe te dekontaminimit te mjedisit, ne përputhje me rregulloren e sigurimit teknik.

KREU VI

AUTORIZIMI PER MENAXHIMIN E SUBSTANCAVE DHE TE PREPARATEVE TE RREZIKSHME

Neni 18

1. Personat juridike ose fizike, qe kryejnë veprimtari tregtare, lejohen te menaxhojnë substancat dhe preparatet e rrezikshme, te klasifikuara sipas nenit 5 te këtij ligji, vetëm nëse kjo veprimtari kryhet ne baze te autorizimit, te marre ne emër te tyre, ne përputhje me këtë ligj.

2. Autorizimi nuk lëshohet nëse personat juridike ose fizike, te autorizuar për kryerjen e veprimtarisë tregtare, menaxhojnë substanca dhe preparate te rrezikshme qe kane një ose me shume veti te rrezikshme, sipas pikave 5, 8, 9, 10 dhe 11 te nenit 5 te këtij ligji, ne sasi me te vogël se 1 ton për një vit kalendarik.

Neni 19

Kushtet për dhënien e autorizimit

1. Ministri përkatës, sipas përcaktimit te pikës 2 te nenit 7 te këtij ligji, ne baze te aplikimit me shkrim, lëshon autorizimin, mbështetur ne kriteret e kualifikimit profesional dhe te gjendjes shëndetësore, për një person juridik ose fizik, me zotësi te plote juridike, qe ka vendbanim ose vendqëndrim ne territorin e Republikës se Shqipërisë e qe nuk ka kryer vepra penale.

2. Kualifikimi profesional për menaxhimin e substancave dhe te preparateve te rrezikshme vërtetohet:
 - me dokumentin e kryerjes se arsimit universitar ne fushën përkatëse;
 - me dokumentin e kryerjes se arsimit te mesëm ne fushën përkatëse;
 - c) me dokumentin e kryerjes se formimit profesional.
3. Rregullat për kualifikimin, procedurën e verifikimit dhe dhënien ose heqjen e autorizimit përcaktohen me urdhër te ministrave përkatës.
4. Autorizimi jepet për një periudhe 2-vjeçare. Autorizimi mund te shtyhet edhe për një 1 vit, me kusht qe kërkesa te paraqitet tre muaj përpara mbarimit te afatit. Vendimi për zgjatjen e afatit te autorizimit jepet brenda 90 ditëve nga data e paraqitjes se aplikimit. Kërkesa për zgjatjen e afatit refuzohet për mosplotësim te kushteve.
5. Personat e autorizuar janë te detyruar:
 - a) te sigurojnë qe veprimtaria, për te cilën është lëshuar autorizimi, kryhet nga persona te trajnuar;
 - b) te sigurojnë se pajisjet e përdoruara për kryerjen e veprimtarisë, për te cilën është lëshuar autorizimi, plotësojnë kushtet për mbrojtjen dhe besueshmërinë;
 - c) t'u japin personave te inspektimit dhe kontrollit te dhëna për kryerjen e veprimtarisë, për te cilën është lëshuar autorizimi.
6. Autorizimi nuk mund te përdoret nga persona te tjerë juridike ose fizike.
7. Ministria përkatëse ia heq autorizimin personit juridik ose fizik, nëse, ne mënyrë te përsëritur, ai nuk plotëson detyrimet apo nëse ka ndryshim te kushteve, ne mbështetje te cilave është lëshuar autorizimi.
8. Vlefshmëria e autorizimit mbaron:
 - a) me mbarimin e periudhës kohore për te cilën është dhënë, nëse nuk është shtyre afati kohor;
 - b) me heqjen e autorizimit;
 - c) kur vdes personi fizik;
 - ç) me humbjen e se drejtës si person juridik.

Neni 20

1. Kur personat juridike ose fizike, te autorizuar për kryerjen e veprimtarisë tregtare "Asgjësimi i organizmave, bimëve dhe mikroorganizmave te dëmshme dhe eliminimi i faktorëve te tjerë dëmtues, duke përdorur helme, përfshirë dezinfektimin mbrojtës, kontrollin e insekteve dhe brejtësve, me përjashtim te veprimtarive profesionale ne fushën e kujdesit mjekësor" nuk raportojnë ne zyrën e licencimit brenda një periudhe kohe te caktuar nga kjo zyre, për zbatimin e kushteve te autorizimit sipas këtij ligji, autorizimi për kryerjen e tregtimit ne këtë fushë behet i pavlefshëm.
2. Zyra e licencimit njofton për këtë fakt personat juridike ose fizike, te autorizuar për kryerjen e veprimtarisë tregtare dhe njëkohësisht zyrën administrative. Kur zyra e licencimit ka dokumente te vlefshme për kualifikimin profesional për një pjese te veprimtarisë tregtare, merr vendim për ndryshim ne licencën e dhënë.

KREU VII

IMPORTI DHE EKSPORTI I SUBSTANCAVE DHE I PREPARATEVE TE RREZIKSHME

Neni 21

1. Importi dhe eksporti i substancave dhe i preparateve te rrezikshme bëhen vetëm me leje te ministrit përkatës.
2. Importuesit dhe eksportuesit janë te detyruar t'i kërkojnë ministrit përkatës miratimin e lejes për importin dhe eksportin e substancave dhe preparateve te rrezikshme, jo me pak se 60 dite para datës se kryerjes se importit dhe eksportit. Përmbajtja e aplikimit për dhënien e lejes, sipas pikës 1 te këtij neni, përcaktohet me urdhër te ministrit.
3. Dhënia e lejes, sipas pikave 1 dhe 2 te këtij neni, nuk është e nevojshme për substancat dhe preparatet e caktuara, qe importohen ose eksportohen ne sasi me te vogla se 1 kg për një vit kalendarik, nga një person juridik ose fizik, i autorizuar për kryerjen e veprimtarisë tregtare, për qëllime kërkimi shkencor dhe zhvillimi.
4. Zyra e regjistrimit te kimikateve, ne baze te te dhënave te ministrive te ngarkuara, nga ky ligj, regjistron aplikimet për importin dhe eksportin e substancave dhe te preparateve te rrezikshme te caktuara, miratimet e dhëna, si dhe njofton Ministrin e Mjedisit për shkëmbimin ndërkombëtar te te dhënave për këto substanca.
5. Menaxhimi i substancave dhe i preparateve te rrezikshme, te caktuara për veprimtari tregtare, kryhet sipas kushteve te nenit 14 te këtij ligji.
6. Eksportuesi është i detyruar te vendose mbi ambalazhin e substancave dhe te preparateve te rrezikshme, te caktuara për veprimtari tregtare, etiketat ne gjuhen e vendit pritës ose te zonës, ku këto substanca e preparate do te përdoren.
7. Importuesit dhe eksportuesit janë te detyruar t'u paraqesin autoriteteve doganore, për kontroll, dokumentet shoqëruese te substancave dhe te preparateve te rrezikshme, te caktuara për veprimtari tregtare.
8. Miratimi për importin dhe eksportin e substancave dhe te preparateve te rrezikshme te caktuara, i dhënë sipas këtij ligji, nuk mund te zëvendësoje lejen për import ose eksport, te dhënë me ligj te veçante.

KREU VIII

REGJISTRIMI DHE NJOFTIMI PER SUBSTANCAT DHE PREPARATET E RREZIKSHME

Neni 22

1. Prodhuesi, importuesi dhe shpërndarësi i substancave dhe i preparateve te rrezikshme janë te detyruar te regjistrojnë llojin, sasinë, vetitë e substancës dhe te preparatit. Regjistrimi behet veçmas për çdo biznes. Mënyra dhe hollësitë e regjistrimit dhe te njoftimit përcaktohen nga zyra e regjistrimit te kimikateve.
2. Prodhuesit dhe importuesit vetëm te substancave te rrezikshme ose qe përmbahen ne preparat ne sasi me te madhe se 10 tone për një vit kalendarik, janë te detyruar te njoftojnë me shkrim ministrinë përkatëse, brenda datës 15 shkurt te çdo viti, për llojin e substancës se rrezikshme, qe prodhojnë ose importojnë, sasinë dhe vetitë e saj.
3. Me kërkesën e personave te autorizuar, ne kuadër te detyrimit për njoftim, mund te shënohet si sekret tregtar bërja e njohur e te dhënave qe mund t'i shkaktojnë prodhuesit ose importuesit dëme ne prodhim ose tregti.

4. Personat juridike ose fizike, te autorizuar për kryerjen e veprimtarisë tregtare, janë te detyruar qe për menaxhimin e substancave dhe te preparateve te klasifikuara, sipas pikave 6 dhe 7 te nenit 5 te këtij ligji, te njoftojnë agjencinë rajonale te mjedisit , te regjistrujnë hyrjet e këtyre substancave dhe sasinë maksimale te ruajtur. Gjithashtu, ata duhet t'i dërgojnë kësaj agjencie rregullore e sigurimit teknik për këto substanca. Ky detyrim nuk është i vlefshëm për substancat e përdorura për kërkime shkencore dhe për zhvillim.

5. Personat juridike ose fizike, te autorizuar për kryerjen e veprimtarisë tregtare, për zhdukjen e organizmave dhe mikroorganizmave te dëmshëm, janë te detyruar qe, për përdorimin e substancave dhe te preparateve te rrezikshme, te klasifikuara sipas pikave 6 dhe 7 te nenit 5 te këtij ligji, te njoftojnë me shkrim agjencinë rajonale te mjedisit dhe zyrën përkatëse te bashkise, ku do te kryhet kjo veprimtari, 48 ore përpara fillimit te saj. Brenda kësaj periudhe kohore nuk përfshihen ditët e festave, te fundjavës dhe ditët e pushimeve.

6. Agjencia rajonale e mjedisit se bashku me njësinë vendore te mbrojtjes se shëndetit përcaktojnë, 24 ore para fillimit te veprimtarisë, për te cilin është here njoftimi, kushtet e veçanta për kryerjen e kësaj veprimtarie, sipas pikës 5 te këtij neni.

Neni 23

Inspektorati Shtetëror i Mjedisit

Inspektorati Shtetëror i Mjedisit ka këto detyra dhe përgjegjësi:

- a) mbikëqyr zbatimin e rregullave juridike dhe te udhëzimeve te Ministrit te Mjedisit e te zyrave te tjera administrative ne fushën e mbrojtjes se mjedisit, gjate menaxhimit te substancave dhe te preparateve te rrezikshme, nga personat juridike ose fizike, te autorizuar për kryerjen e veprimtarisë tregtare;
- b) përcakton kushtet për shmangien e mangësive ne menaxhimin e substancave dhe te preparateve te rrezikshme gjate punës inspektuese;
- c) vendos gjoba për personat juridike ose fizike, ne raste shkeljesh te detyrimeve ne fushën e mbrojtjes se mjedisit, gjate menaxhimit te substancave dhe te preparateve te rrezikshme;
- ç) i propozon ministrisë përkatëse ndërprerjen e veprimtarisë se personit te autorizuar, maksimumi për 30 dite, ne qofte se ai nuk përmbush kushtet e autorizimit. Nëse nuk respekton kushtet, ne baze te te cilave është lëshuar autorizimi, propozon heqjen e tij;
- d) i sugjeron Ministrit te Mjedisit kryerjen e inspektimit te larte shtetëror, ne fushën e mbrojtjes se mjedisit, për menaxhimin e substancave dhe te preparateve te rrezikshme;
- dh) bashkëpunon me autoritetet doganore dhe u siguron atyre asistencë me specialiste.
- e) ngarkon inspektorët për kryerjen e detyrës inspektuese. Gjate kryerjes se detyrës inspektorët vërtetojnë identitetin e tyre me ane te dokumentit te inspektorit ne Inspektoratin Shtetëror te Mjedisit.

Neni 24 Inspektorati Sanitar Shtetëror

Inspektorati Sanitar Shtetëror ka këto detyra dhe përgjegjësi:

- a) kontrollon zbatimin e rregullave juridike dhe te vendimeve ne fushën e mbrojtjes se jetës dhe te shëndetit te njeriut gjate menaxhimit te substancave dhe te preparateve te

- rrezikshme, si dhe përmbushjen e detyrimeve të përcaktuara për regjistrimin e substancave, nga personat juridike ose fizike;
- b) kërkon nga personat juridike ose fizike, të autorizuar për kryerjen e veprimtarisë tregtare, ndreqjen e parregullsive në fushën e menaxhimit të substancave dhe të preparateve, me veti të rrezikshme për jetën dhe shëndetin e njeriut, në përputhje me detyrimet e përcaktuara për regjistrimin e substancave, si dhe përcakton afatin e fundit të rregullimeve;
- c) vendos gjambat për personat juridike ose fizike, të autorizuar për kryerjen e veprimtarisë tregtare;
- ç) jep mendim për lëshimin e autorizimit për menaxhimin e substancave të klasifikuara, sipas pikave 6,7,8,9, 10, 13 dhe 14 të nenit 5 të këtij ligji;
- d) bashkëpunon me Inspektoratin Shtetëror të Mjedisit dhe me autoritetet doganore, si dhe u siguron atyre asistencë me specialiste.

Neni 25 Administrata doganore

1. Autoritetet doganore kontrollojnë në pikat e kalimit të kufirit shtetëror mallin e deklaruar si substancë dhe preparat i rrezikshëm, për importin dhe eksportin e të cilave kërkohet miratim nga ministria përkatëse e përcaktuar nga ky ligj.
2. Në rast dyshimi apo shkeljeje të këtij ligji, autoritetet doganore bllokojnë mallin dhe njoftojnë Inspektoratin Shtetëror të Mjedisit ose Inspektoratin Sanitar Shtetëror për kundërvajtjen dhe, në rast dyshimi, u kërkojnë këtyre inspektorateve asistencë teknike.
3. Autoritetet doganore regjistrojnë ngarkesën me substanca dhe preparate të rrezikshme, që kalon kufirin shtetëror.
4. Autoritetet doganore u lejojnë punonjësve të Ministrisë së Mjedisit dhe të inspektorateve shqyrtimin e regjistrave, në kopje të shkruara ose fotokopje, si dhe transmetimin dixhital të të dhënave.

KREUIX

KUNDERVAJTJET ADMINISTRATIVE DHE GJOBAT

Neni 26

Shkeljet e mëposhtme, kur nuk përbejnë veprë penale, përbejnë kundërvajtje administrative dhe dënohen me gjobe si më poshtë:

1. Inspektorati Shtetëror i Mjedisit dhe Inspektorati Sanitar Shtetëror vendosin gjoba nga 500 000 deri në 1 000 000 leke për personin juridik ose fizik, të autorizuar për kryerjen e veprimtarisë tregtare, i cili:

- a) nuk vepron në përputhje me kushtet për menaxhimin e substancave dhe të preparateve të rrezikshme, sipas pikave 1, 4 dhe 5 të nenit 14 të këtij ligji;
- b) shet ose jep substanca dhe preparate të rrezikshme, të klasifikuara sipas pikave 6, 12, 13 dhe 14 të nenit 5 të këtij ligji.

Inspektorati Shtetëror i Mjedisit dhe Inspektorati Sanitar Shtetëror vendosin gjoba nga 50000 deri në 500 000 leke për importuesin dhe prodhuesin, i cili:

- a) nuk i klasifikon substancat dhe preparatet para hedhjes në treg dhe nuk plotëson detyrimet sipas pikave 1 dhe 4 të nenit 7 të këtij ligji;

b) nuk jep te dhënat e kërkuara për klasifikimin e një preparati të ri, sipas pikës 5 të nenit 7 të këtij ligji.

3. Inspektorati Shtetëror i Mjedisit vendos gjoba nga 1 000 000 deri në 10 000 000 leke, në varësi të shkeljes, për personin juridik ose fizik, i cili:

a) teston vetitë e substancave dhe të preparateve të rrezikshme në kundërshtim me metodat e përcaktuara në nenin 7 të këtij ligji;

b) nuk vepron në mbështetje të parimeve të sistemeve të laboratorëve të akredituar, sipas nenit 8 të këtij ligji;

c) nuk vepron sipas kushteve të caktuara në autorizimin për menaxhimin e substancave dhe të preparateve të rrezikshme;

ç) nuk vepron sipas të gjitha kushteve për menaxhimin e substancave dhe të preparateve të rrezikshme, sipas nenit 14 të këtij ligji;

d) nuk regjistron dhe nuk jep të dhëna për substancat dhe preparatet e rrezikshme.

4. Inspektorati Shtetëror i Mjedisit vendos gjoba nga 500 000 deri në 1 000 000 leke për personin juridik ose fizik, i cili hedh në treg një substancë të përgjithshme, që është e detyrueshme të regjistrohet, sipas neneve 9, 10, 11, 12, 13 dhe 14 të këtij ligji.

5. Inspektorati Shtetëror i Mjedisit ose Inspektorati Sanitar Shtetëror vendos gjoba nga 10 000 000 deri në 50 000 000 leke për një prodhues ose importues, i cili:

a) nuk plotëson kërkesat e caktuara për ambalazhimin dhe etiketimin e substancave dhe të preparateve të rrezikshme;

b) nuk plotëson kushtet e caktuara për hedhjen në treg të substancave dhe të preparateve të rrezikshme, sipas neneve 15, 16 dhe 17 të këtij ligji;

c) nuk plotëson kushtet për importin ose eksportin e substancave dhe të preparateve të rrezikshme të caktuara, sipas nenit 21 të këtij ligji;

ç) bën deklaratime të rreme për përputhjen me certifikatën e pajtimit të laboratorit të akredituar, sipas pikës 8 të nenit 8 të këtij ligji;

d) i jep të pasakta të dhënat e kërkuara nga ky ligj.

6. Inspektoratet përkatëse, për shkelje të përsëritura, e gjobisin personin juridik ose fizik, të autorizuar për kryerjen e veprimtarisë tregtare, me dyfishin e vlerës së caktuar me sipër, si dhe me mbylljen e veprimtarisë, heqjen e licencës dhe sekuestrimin e produkteve të rrezikshme.

7. Shkelje e përsëritur është shkelja e detyrimeve, e kryer brenda një periudhe dyvjeçare nga data e hyrjes në fuqi të vendimit të mëparshëm për vënien e gjobës.

8. Gjoba vendoset nga organi administrativ, i cili fillon i pari procesin. Në qoftë se procesi fillon njëkohësisht, në të njëjtën datë, nga më shumë se një organ administrativ, procesi i vënies së gjobës realizohet nga Inspektorati Shtetëror i Mjedisit. Gjoba ekzekutohet nga zyra financiare përkatëse.

9. Kundër vendimit të dënimit me gjobe mund të behet ankimi brenda 10 ditëve nga njoftimi i vendimit, të ministrit përkatës, i cili duhet t'i përgjigjet ankimit brenda 15 ditëve nga depozitimi i tij.

10. Kundër vendimit të ministrit ose kur ky i fundit nuk përgjigjet brenda afatit 15-ditor, mund të behet ankimi në gjykatë brenda 30 ditëve.

11. Gjobat e vena nga inspektoratet derdhen në Buxhetin e Shtetit dhe likuidohen brenda 30 ditëve nga data e vendimit të formës së prere. Për çdo ditë vonese, pas

plotësimin të këtij afati, kundërvajtësi detyrohet të paguaje, përveç gjobës, një shume të barabartë me 2 për qind të gjobës.

KREU X

DISPOZITA KALIMTARE DHE TE FUNDIT

Neni 27

1. Dispozitat e krerëve II, V, VI, VII dhe VIII zbatohen brenda një viti nga data e hyrjes në fuqi të këtij ligji.
2. Dispozitat e kreut III zbatohen brenda dy vjetëve nga data e hyrjes në fuqi të këtij ligji.
3. Dispozitat e kreut IX zbatohen brenda një viti nga data e hyrjes në fuqi të këtij ligji.
4. Brenda 2 viteve nga data e hyrjes në fuqi të këtij ligji, Këshilli i Ministrave përcakton listën e substancave të rrezikshme, sipas nenit 13 pika 1 të këtij ligji.
5. Personat fizike, të kualifikuar profesionalisht për menaxhimin e helmeve, sipas rregullave juridike ekzistuese, vlerësohen të tilla sipas pikës 2 të nenit 19, edhe për menaxhimin e substancave dhe të preparateve të klasifikuara, sipas pikave 6 e 7 të nenit 5, për një periudhë prej tre vjetësh nga data e hyrjes në fuqi të këtij ligji.
6. Personat juridike ose fizike, të autorizuar për kryerjen e veprimtarisë tregtare, që merren me tregtinë e cilësuar "Prodhim i helmeve dhe substancave korrozive, me përjashtim të helmeve të rrezikshme speciale" ose "Shitja e helmeve, substancave korrozive dhe pesticideve", në baze të licencës për tregtinë e vogël, të nxjerre para datës së hyrjes në fuqi të këtij ligji, lejohen të vazhdojnë tregtinë, për një periudhë prej një viti pas datës së hyrjes në fuqi të këtij ligji.
7. Personat juridike ose fizike, të autorizuar për kryerjen e veprimtarisë tregtare, janë të detyruar të vërtetojnë përputhjen me kushtet e autorizimit, sipas këtij ligji, brenda një periudhë njëvjeçare nga data e hyrjes në fuqi të këtij ligji.
Zyra e licencimit, kur mungojnë kushtet e kualifikimit profesional, bën ndryshime në licencën e dhënë.
8. Kur personat juridike ose fizike, të autorizuar për kryerjen e veprimtarisë tregtare nuk vërtetojnë në zyrën e licencave ushtrimin e veprimtarisë në përputhje me kushtet, autorizimi i lëshuar për kryerjen e veprimtarisë së tyre tregtare mbaron në datën e përfundimit të periudhës njëvjeçare, nga data e hyrjes në fuqi të këtij ligji.
Zyrat e licencimit njoftojnë personat juridike ose fizike, të autorizuar për kryerjen e veprimtarisë tregtare dhe zyrën administrative përkatëse për përfundimin e periudhës së ushtrimit të veprimtarisë së tyre tregtare, të përcaktuar në autorizim.
9. Personat juridike ose fizike, të autorizuar për kryerjen e veprimtarisë tregtare, që zhvillojnë tregtinë e lejuar "Asgjësimi i organizmave, bimëve dhe mikroorganizmave të dëmshëm dhe eliminimi i faktorëve të tjerë dëmtues duke përdorur helmet, përfshirë dezinfektimin mbrojtës, kontrollin e insekteve dhe brejtësve, me përjashtim të veprimtarive profesionale në fushën e kujdesit mjekësor" ose "Prodhimi i helmeve të rrezikshme speciale", në baze të licencës së nxjerre para datës së hyrjes në fuqi të këtij ligji, mund të vazhdojnë këtë tregti deri një vit nga data e hyrjes në fuqi të këtij ligji.
10. Personat juridike ose fizike, të autorizuar për kryerjen e veprimtarisë tregtare, janë të detyruar që, brenda një viti nga data e hyrjes në fuqi të këtij ligji, të vënë në dijeni zyrën e

licencimit për zbatimin e kushteve të autorizimit, sipas këtij ligji. Me mbarimin e këtij afati autorizimi është i pavlefshëm.

Zyra e licencimit njofton për këtë fakt personat juridike ose fizike, të autorizuar për kryerjen e veprimtarisë tregtare dhe, njëkohësisht, zyrën administrative.

Nëse kjo zyre e gjykon se janë plotësuar kushtet, merr vendim për ndryshime në licencën e dhënë.

Neni 28

Akte të tjera të nevojshme

Ngarkohet Këshilli i Ministrave të nxjerrë aktet nënligjore në zbatim të nenëve 7 pika 4, 10 pika 8, 13 pikat 1 dhe 5 dhe 15 pika 2 të këtij ligji.

Neni 29

Ky ligj hyn në fuqi 15 ditë pas botimit në Fletoren Zyrtare.

Shpallur me dekret nr .3922, datë 30.7.2003 të Presidentit të Republikës së Shqipërisë, Alfred Moisiu

Aneksi nr.1

Limitet për ndryshimin e klasifikimit të preparateve kimike

Vlera absolute e ndryshimit të përqendrimit origjinal, e shprehur në përqindje në peshe për substancat e ngurta dhe të lëngëta ose në volum për substancat e gazta jepet:

$$[C2-C1] > K.C1]$$

[C2 - C 1] - është vlera absolute e ndryshimit të përqendrimit origjinal të komponentit (në %)

K - koeficienti i dhënë në tabelën me poshtë C 1- përqendrimi origjinal i komponentit (në %) C2 - përqendrimi i ri i komponentit (në %)

Përqendrimi origjinal C1	Koeficienti K
$C1 \leq 2,5$	0,150
$2,5 < C1 \leq 10 \%$	0,100
$10\% < C1 \leq 25 \%$	0,060
$25\% < C1 \leq 50 \%$	0,050
$50\% < C1 \leq 100 \%$	0,025

Aneksi nr.2

Ndalohen në Republikën e Shqipërisë:

prodhimi, importimi, eksportimi dhe shpërndarja e këtyre substancave

Emri i substancës	Cas Numër
-------------------	-----------

Bifenile te poliklorinuara (PCB) dhe preparate me përmbajtje te kësaj substance ne sasi me te madhe se 0,005 % (me përjashtim te bifenileve te mono dhe dikloruara)	1336-36-3
Trefenile te poliklorinuara (PTC) dhe preparate me përmbajtje te kësaj substance ne sasi me te madhe se 0,005 %	61788-88-8
Fibra azbesti krocidolit b) amozit c) antrofililit ç) aktonolit d) tremolit	12001-28-4 12172-73-5 77536-67-5 77536-66-4 77536-68-6
Monometil tetraklordifenil metan (emri tregtar Ugilec 141)	75623-60-6
Monometil diklordifenil metan (emri tregtar Ugilec 141)	
Monometil dibromdifenil metan (emri tregtar DBBT)	99688-47-8

Shënim: CAS - Chemical Abstract Service